

入楞伽經



百四十六
髮五

48257



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

入楞伽經卷第五

元魏天竺三藏法師 菩提流支譯

佛心品第四

尔時佛告聖者大慧菩薩言大慧我今為汝
說意生身修行差別大慧諦聽諦聽當為汝
說大慧白佛言善哉世尊唯然受教佛告大
慧有三種意生身何等為三一者得三昧樂
三摩跋提意生身二者如實覺知諸法相意
生身三者種類生無作行意生身菩薩從於
初地如實修行得上上地證智之相大慧何
者菩薩摩訶薩得三昧樂三摩跋提意生身
謂第三第四第五地中自心寂靜行種種行



大海心波轉識之相三摩跋提樂名意識生
以見自心境界故如實知有無相大慧是名
意生身相大慧何者如實覺知諸法相意生
身謂菩薩摩訶薩於八地中觀察覺了得諸
法無相如幻等法悉無所有身心轉變得如
幻三昧及餘無量三摩跋提樂門無量相力
自在神通妙華莊嚴迅疾如意猶如幻夢水
中月鏡中像非四大生似四大相具足身分
一切修行得如意自在隨入諸佛國土大衆
大慧是名如實覺知諸法相意生身大慧何
者種類生無作行意生身謂自身內證一切
諸法如實樂相法相樂故大慧是名種類生

無作行意生身大慧汝當於彼三種身相觀
察了知今時世尊重說偈言

我乘非大乘

非說亦非字

非諦非解脫

非無有境界

然乘摩訶衍

三摩提自在

種種意生身

自在華莊嚴

今時聖者大慧菩薩復白佛言世尊如世尊

說善男子善女人行五無間業世尊何等是
五無間業而善男子善女人行五無間入於
無間佛告聖者大慧菩薩言善哉善哉善哉
大慧諦聽諦聽當為汝說大慧白佛言善哉
世尊唯然受教佛告大慧五無間者一者殺
母二者殺父三者殺阿羅漢四者破和合僧

五者惡心出佛身血大慧何者衆生母謂更
受後生貪喜俱生如緣母立大慧何者爲父
謂無明爲父生六入聚落大慧斷彼二種能
生根本名殺父母大慧何者殺阿羅漢謂諸
使如鼠毒發拔諸使怨根本不生大慧是名
殺阿羅漢大慧何者破和合僧謂五陰異相
和合積聚究竟斷破名爲破僧大慧何者惡
心出佛身血謂自相同相見外自心相八種
識身依無漏三解脫門究竟斷八種識佛名
爲惡心出佛身血大慧是名內身五種無間
若善男子善女人行此無間得名無間者無
間者名證如實法故復次大慧我爲汝等說

外五種無間之相諸菩薩聞是義已於未來
世不生疑心大慧何者是外五種無間謂殺
父母羅漢破和合僧出佛身血行此無間者
於彼三種解脫門中不能得證一一解脫除
依如來力任持應化聲聞菩薩如來神力為
五種罪人懺悔疑心斷此疑心令生善根為
彼罪人作應化說大慧若犯五種無間罪者
畢竟不得證入道分除見自心唯是虛妄離
身資生所依任處分別見我我所相於無量
無邊劫中遇善知識於異道身離於自心虛
妄見過今時世尊重說偈言
貪愛名為母 無明則為父
了境識為佛

諸使爲羅漢

陰聚名爲僧

無間斷相續

更無有業間

得真如無間

尔時聖者大慧菩薩復白佛言世尊唯願爲
我說諸如來知覺之相佛告聖者大慧菩薩
摩訶薩言大慧如實知人無我法無我如實
能知二種障故遠離二種煩惱大慧是名如
來如實知覺大慧聲聞辟支佛得此法者亦
名爲佛大慧是因緣故我說一乘尔時世尊
重說偈言

善知二無我

二障二煩惱

得不思議變

是名佛知覺

尔時聖者大慧菩薩復白佛言世尊世尊何

故於大衆中說如是言我是過去一切佛及
說種種本生經我於今時作頂生王六牙大
象鸚鵡鳥毗耶娑仙人帝釋王善眼菩薩如
是等百千經皆說本生佛告聖者大慧菩薩
摩訶薩言大慧依四種平等如來應正遍知
於大衆中唱如是言我於今時作拘留孫佛
拘那含牟尼佛迦葉佛何等爲四一者字平
等二者語平等三者法平等四者身平等大
慧依此四種平等法故諸佛如來在於衆中
說如是言大慧何者字平等謂何等字過去
佛名佛我同彼字亦名爲佛不過彼字與彼
字等無異無別大慧是名字平等大慧何者

諸佛語平等謂過去佛有六十四種美妙梵
聲言語說法我亦六十四種微妙梵聲言語
說法大慧未來諸佛亦以六十四種微妙梵
聲言語說法不增不減不異無差別迦陵頻
伽梵聲美妙大慧是名諸佛語平等大慧何
者諸佛身平等大慧我及諸佛法身色身相
好莊嚴無異無差別除依可度衆生彼彼衆
生種種生處諸佛如來現種種身身大慧
是名諸佛身平等大慧云何諸佛法平等
謂彼佛及我得三十七菩提分法十力四無
畏等大慧是名諸佛法平等大慧依此四種
平等法故如來於大衆中作如是說我是過

去頂生王等。爾時世尊重說偈言。

迦葉拘留孫。拘那含是我。說諸佛子等。

依四平等故。

大慧菩薩復白佛言。世尊如來說言。我何等夜證大菩提。何等夜入般涅槃。我於中間不說一字。佛言。非言世尊依何義說如是語。佛

語非語。佛告大慧。言大慧。如來依二種法說如是言。何者。爲二。我說如是一者。依自身內證法。二者。依本住法。我依此二法。作如是言。大慧云。何依自身內而證諸法。謂彼過去諸佛如來所證得法。我亦如是證得。不增不減。自身內證諸境界。行離言語。分別相離二種。

字故大慧何者本住法大慧謂本行路平坦
譬如金銀真珠等寶在於彼處大慧是名法
性本住處大慧諸佛如來出世不出世法性
法界法住法相法證常住如城本道大慧譬
如有人行曠野中見向本城平坦正道即隨
入城入彼城已受種種樂作種種業大慧於
意云何彼人始作是道隨入城耶始作種種
諸莊嚴耶大慧白佛不也世尊大慧我及過
去一切諸佛法性法界法住法相法證常住
亦復如是大慧我依此義於大眾中作如是
說我何等夜得大菩提何等夜入般涅槃此
二中間不說一言亦不已說當說現說今時

世尊重說偈言

我何夜成道

何等夜涅槃

於此二中間

我都無所說

內身證法性

我依如是說

十方佛及我

諸法無差別

尔時聖者大慧菩薩復請佛言唯願世尊說

一切法有無相今我及餘菩薩大衆得聞是

已離有無相疾得阿耨多羅三藐三菩提佛

告聖者大慧菩薩言善哉善哉善哉大慧諦

聽諦聽當爲汝說大慧白佛言善哉世尊唯

然受教佛告大慧世間人多墮於二見何等

二見一者見有二者見無以見有諸法見無

諸法故非究竟法生究竟相大慧云何世間

墮於有見謂實有因緣而生諸法非不實有
實有法生非無法生大慧世間人如是說者
是名爲說無因無緣及謗世間無因無緣而
生諸法大慧世間人云何墮無見謂說言貪
瞋癡實有貪瞋癡而復說言無貪瞋癡分別
有無大慧若復有人作如是言無有諸法以
不見諸物相故大慧若復有人作如是言聲
聞辟支佛無貪無瞋無癡復言先有此二人
者何等人勝何等人不如大慧菩薩言若人
言先有貪瞋癡後時無此人不如佛告大慧
善哉善哉善哉大慧汝解我問大慧非但言
先實有貪瞋癡後時言無同衛世師等是故

不如大慧非但不如滅一切聲聞辟支佛法
何以故大慧以實無內外諸法故以非一非
異故以諸煩惱非一非異故大慧貪瞋癡法
內身不可得外法中亦不可得無實體故故
我不許大慧我不許者不許有貪瞋癡是故
彼人滅聲聞辟支佛法何以故諸佛如來知
寂靜法聲聞緣覺不見法故以無能縛所縛
因故大慧若有能縛必有所縛若有所縛必
有能縛因大慧如是說者名滅諸法大慧是
名無法相大慧我依此義餘經中說寧起我
見如須彌山而起憍慢不言諸法是空無也
大慧增上慢人言諸法無者是滅諸法墮自

相同相見故以見自心見法故以見外物無
常故諸相展轉彼彼差別故以見陰界入相
續體彼彼因展轉而生以自心虛妄分別是
故大慧如此人者滅諸佛法亦時世尊重說
偈言

有無是二邊

以為心境界

離諸境界法

平等心寂靜
如真如本有

無取境界法
彼是聖境界

滅非有非無
本無而有生

生已還復滅

非有非無生

彼不住我教

非外道非佛

非我亦非餘

從因緣不成

云何得言有

若因緣不生

云何而言無

邪見論生法

妄想計有無

若知無所生

亦知無所滅。觀世悉空寂。彼不墮有無。
亦時聖者大慧菩薩復白佛言世尊唯願如
來應正遍知天人師爲我及諸一切菩薩建
立修行正法之相我及一切菩薩摩訶薩善知
修行正法相已速得成就阿耨多羅三藐三
菩提不墮一切虛妄覺觀魔事故佛告大慧
菩薩言善哉善哉善哉大慧諦聽諦聽我爲
汝說大慧言善哉世尊唯然受教佛告大慧
言大慧有二種法諸佛如來菩薩聲聞辟支
佛建立修行正法之相何等爲二一者建立
正法相二者說建立正法相大慧何者建立
正法相謂自身內證諸勝法相離文字語言

章句能取無漏正戒證諸地修行相法離諸
外道虛妄覺觀諸魔境界降伏一切外道諸
魔顯示自身內證之法如實修行大慧是名
建立正法之相大慧何者建立說法之相謂
說九部種種教法離於一異有無取相先說
善巧方便為令衆生入所樂趣謂隨衆生信
彼彼法說彼彼法大慧是名建立說法相大
慧汝及諸菩薩應當修學如是正法亦時世
尊而說偈言
建立內證法 及說法相名 若能善分別
不隨他教相 實無外諸法 如凡夫分別
若諸法虛妄 何故取解脫 觀察諸有為

生滅等相縛

增長於二見

不能知因緣

涅槃離於識

唯此一法實

觀世間虛妄

如幻夢芭蕉

雖有貪瞋癡

而無有作者

從愛生諸陰

有皆如幻夢

尔時聖者大慧菩薩復請佛言世尊唯願如

來應正遍知為諸菩薩說不實妄想何等法

中不實妄想佛告大慧菩薩言善哉善哉善

哉大慧汝為安隱一切眾生饒益一切眾生

安樂一切眾生哀愍一切世間天人請我此

事大慧諦聽諦聽當為汝說大慧言善哉世

尊唯然受教佛告大慧一切眾生執著不實

虛妄想者從見種種虛妄法生以著虛妄能

取可取諸境界故入自心見生虛妄想故墮
於有無二見朋黨非法聚中增長成就外道
虛妄異見熏習故大慧以取外諸戲論義故
起於虛妄心心數法猶如草束分別我我所
法大慧以是義故生不實妄想大慧白佛言
世尊若諸衆生執著不實虛妄想者從見種
種虛妄法生執著虛妄能取可取一切境界
入自心見生虛妄想墮於有無二見朋黨分
別聚中增長成就外道虛妄異見熏習以取
外諸戲論之義不實妄想起於虛妄心心數
法猶如草束取我我所者世尊如彼依外種
種境界種種相墮有墮無朋黨相中離有無

見相世尊第一義諦亦應如是遠離阿含聖
所說法遠離諸根遠離建立三種之法譬喻
因相世尊云何一處種種分別執著種種虛
妄想生何故不著第一義諦虛妄分別而生
分別世尊世尊如是說法非平等說無因而
說何以故一處生一處不生故若世尊如是
說者墮二朋黨以見執著虛妄分別而生分
別以世尊說如世幻師依種種因緣生種種
色像以世尊自心虛妄分別以世尊言種種
虛妄若有若無不可言說為離分別如是如
來墮世間論入邪見心朋黨聚中佛告大慧
我分別虛妄不生不滅何以故不生有無分

別相故不見一切外有無故大慧以見自心
如實見故虛妄分別不生不滅大慧我此所
說唯爲愚癡凡夫而說自心分別分別種種
隨先心生分別種種有相執著何以故若不
說者愚癡凡夫不離自心虛妄覺知不離執
著我我所見不離因果諸因緣過如實覺知
二種心故善知一切諸地行相善知諸佛自
身所行內證境界轉五法體見分別相入如
來地大慧因是事故我說一切諸衆生等執
著不實虛妄生心自心分別種種諸義以是
義故一切衆生知如實義而得解脫尔時世
尊重說偈言

諸因及因緣
彼不知我說
云何愚分別
有無非有無
諸法本不生
從果不生有
若有二果者
觀諸有為法
量體及形相
我說如是量
諸陰陰假名
相因生無我

從此生世間
世有無不生
依因緣生法
轉於虛妄心
故依因緣生
從果不生果
果中果難得
見諸唯心法
離緣及諸法
假名世諦我
假名非實法
如是四平等

妄想著四句
離有無不生
若能見世間
得真無我法
諸緣即是果
若尔有二果
離念及所念
故我說唯心
究竟有真淨
彼則無實事
有四種平等
是修行者法

轉一切說見

離分別分別

不見及不生

故我說唯心

非有非無法

離有無諸法

如是離心法

故我說唯心

真如空實際

涅槃及法界

意身身心等

故我說唯心

分別依熏縛

心依諸境生

衆生見外境

故我說唯心

可見外法無

心盡見如是

身資生任處

故我說唯心

今時聖者大慧菩薩復白佛言世尊如來說

言如我所說汝及諸菩薩莫著音聲言語之

義世尊云何菩薩不著言語之義世尊何者

爲言語何者爲義佛告聖者大慧菩薩言善

哉善哉善哉大慧當爲汝說大慧言善哉世尊

唯然受教佛告大慧何者爲聲謂依無始熏
習言語名字和合分別因於喉鼻齒頰脣舌
和合動轉出彼言語分別諸法是名爲聲大
慧何者爲義菩薩摩訶薩依聞思修聖智慧
力於空閑處獨坐思惟云何涅槃趣涅槃道
觀察內身修行境界地地處處修行勝相轉
彼無始熏習之因大慧是名菩薩善解義相
復次大慧云何菩薩摩訶薩善解言語義大
慧菩薩見言語聲義不一不異見義言語聲
不一不異大慧若言言語離於義者不應因
彼言語聲故而有於義而義依彼言語了別
大慧如依於燈了別衆色大慧譬如有入然

燈觀察種種珍寶此處如是如是彼處如是如是
如是大慧菩薩依言語聲燈離言語入自內
身修行義故復次大慧一切諸法不生不滅
自性本來入於涅槃三乘一乘五法心諸法
體等同言語聲義依眾緣取相墮有無見謗
於諸法見諸法體各住異相分別異相如是
分別已見種種法相如幻見種種分別大慧
譬如幻種種異異分別非謂聖人是凡夫見
尔時世尊重說偈言

分別言語聲

建立於諸法

以彼建立故

故墮於惡道

五陰中無我

我中無五陰

不如彼妄想

亦復非是無

凡夫妻分別

見諸法實有 若如彼所見 一切應見真
一切法若無 染淨亦應無 彼見無如是

亦非無所有

復次大慧我今爲汝說智識相汝及諸菩薩
摩訶薩應善知彼智識之相如實修行智識
相故疾得阿耨多羅三藐三菩提大慧有三
種智何等爲三一者世間智二者出世間智
三者出世間上上智大慧識者生滅相智者
不生滅相復次大慧識者墮於有相無相墮
彼有無種種相因大慧智相者遠離有相無相
有無因相名爲智相復次大慧集諸法者名
爲識相不集諸法名爲智相大慧智有三種

何等爲三一者觀察自相同相二者觀察生相滅相三者觀察不生不滅相大慧何者世間智諸外道凡夫人等執著一切諸法有無切聲聞緣覺虛妄分別自相同相是名出世間智大慧何者出世間上上智謂佛如來菩薩摩訶薩觀察一切諸法寂靜不生不滅得如來地無我證法離彼有無朋黨二見復次大慧所言智者無障礙相識者識彼諸境界相復次大慧識者和合起作所作名爲識相無礙法相應名爲智相復次大慧無所得相名之爲智以自內身證得聖智修行境界故

出入諸法如水月中月是名智相
爾時世尊重說偈言

識能集諸業

智能了分別

慧能得無相

及妙莊嚴境

識為境界縛

智能了諸境

無相及勝境

是慧所任處

心意及意識

遠離於諸相

聲聞分別法

非是諸弟子

寂靜勝進忍

如來清淨智

生於善勝智

遠離諸所行

我有三種慧

依彼得聖名

於彼想分別

能聞於有無

離於二乘行

慧離於境界

取於有無相

從諸聲聞生

唯入如是心

智慧無垢相

復次大慧諸外道有九種轉變見何等為九

一者形相轉變二者相轉變三者因轉變四者相應轉變五者見轉變六者物轉變七者緣了別轉變八者作法了別轉變九者生轉變大慧是名九種轉變見依九種轉變見故一切外道說於轉變從有無生大慧何者外道形相轉變大慧譬如以金作莊嚴具鐶釧瓔珞種種各異形相雖殊金體不變一切外道分別諸法形相轉變亦復如是大慧復有外道分別諸法依因轉變大慧而彼諸法亦非如是非不如是以依分別故大慧如是一切轉變亦亦應知譬如乳酪酒果等熟一切轉變一切外道分別轉變亦復如是而無實

法可以轉變以自心見有無可取分別有無
故大慧一切凡夫亦復如是以依自心分別
而生一切諸法大慧無有法生無有法轉如
幻夢中見諸色事大慧譬如夢中見一切事
石女兒生死亦時世尊重說偈言

轉變時形相

四大種諸根

中陰及諸取

如是取非智

因緣生世間

佛不如是說

因緣即世間

如乾闥婆城

爾時大慧菩薩摩訶薩復白佛言世尊唯願
如來應正遍知善說一切諸法相續不相續
相唯願善逝說一切法相續不相續相我及
一切諸菩薩眾善解諸法相續不相續相善

巧方便知已不墮執著諸法相續不相續相
離一切法相續不相續言說文字妄想已得
力自在神通遊化十方一切諸佛國土大衆
之中陀羅尼門善印所印十盡句善縛所縛
種種變化光明照曜譬如四大日月摩尼自
然而行衆生受用遠離諸地唯自心見分別
之相示一切法如幻如夢示入依止諸佛之地
於衆生界隨其所應而爲說法攝取令住一
切諸法如幻如夢離於有無一切朋黨生滅
妄想異言說義轉身自在任勝處任
佛告聖者大慧菩薩言善哉善哉善哉大慧
諦聽諦聽當爲汝說大慧白佛言善哉出尊

唯然受教佛告大慧一切諸法相續不相續
相者謂如聲聞執著義相續相執著相續緣
執著相續有無執著相續分別生不生執著
相續分別滅不滅執著相續分別乘非乘執
著相續分別有爲無爲執著相續分別地地
相執著相續分別自分別執著相續分別有
無入外道朋黨執著相續大慧如是愚癡凡
夫無量異心分別相續依此相續愚癡分別
如蚕作繭依自心見分別縱相續樂於和合
自纏纏他執著有無和合相續大慧然無相
續無相續相以見諸法寂靜故大慧以諸菩
薩見一切法無分別相是故名見一切菩薩

寂靜法門復次大慧如實能知外一切法離於有無如實覺知自心見相以入無相自心相故大慧以見分別有無法故名爲相續以見諸法寂靜故名無相續無相續諸法相大慧無縛無脫墮於二見自心分別有縛有脫何以故以不能知諸法有無故復次大慧愚癡凡夫有三種相續何等爲三謂貪瞋癡及愛樂生以此相續故有後生大慧相續者衆生相續生於五道大慧斷相續者無相續無相續相復次大慧執著因緣相續故生於三有以諸識展轉相續不斷見三解脫門轉滅執著三有因識名斷相續亦時世尊

重說偈言

不實妄分別

名為相續相

能如實知彼

相續綱則斷

若取聲為實

如蚕繭自纏

自心妄想縛

凡夫不能知

大慧菩薩復白佛言如世尊說以何等何等
分別心分別何等何等法而彼彼法無彼如

是如是體相唯自心分別世尊若唯自心分
別非彼法相者如世尊說一切諸法應無染
淨何以故如來說言一切諸法妄分別見無
實體故佛告大慧如是如是如汝所說大慧
而諸一切愚癡凡夫分別諸法而彼諸法無
如是相虛妄分別以為實有大慧彼是凡夫

虛妄分別諸法體相虛妄覺知非如實見大
慧如聖人知一切諸法自體性相依聖人智
依聖人見依聖慧眼是如實知諸法自體相大
慧菩薩言世尊世尊如諸聖人等依聖智依
聖見依聖慧眼非肉眼天眼覺知一切諸法
體相無如是相非如凡夫虛妄分別世尊云
何愚癡凡夫轉虛妄相佛告大慧能如實覺
知聖人境界轉虛妄識世尊彼癡凡夫非顛
倒見非不顛倒見何以故以不能見聖人境
界如實法體故以見轉變有無相故大慧白
佛言世尊一切聖人亦有分別一切種種諸
事無如是相以自心見境界相故世尊彼諸

聖人見有法體分別法相以世尊不說有因
不說無因何以故以墮有法相故餘人見境
不如是見世尊如是說者有無窮過何以故
以不覺知所有法相無自體相故世尊非因
分別有法體相而有諸法世尊彼云何分別
不如彼分別應如彼分別世尊分別相異相
自體相異相世尊而彼二種因不相似彼彼
分別法體相異云何凡夫如此分別此因不
成如彼所見世尊說言我為斷諸一切衆生
虛妄分別心故作如是說如彼凡夫虛妄分
別無如是法世尊何故遮諸衆生有無見事
而執著實法聖智境界世尊復令一切衆生

墮無見處何以故以言諸法寂靜無相聖智
法體如是無相故佛告大慧我不說言一切
諸法寂靜無相亦不說言諸法悉無亦不令
其墮於無見亦不著一切聖人境界如是
何以故我爲衆生離驚怖處故以諸衆生無
始世來執著實有諸法體相是故我說聖人
知法體相實有復說諸法寂靜無相大慧我
不說言法體有無我說自身如實證法以聞
我法修行寂靜諸法無相得見真如無相境
界入自心見法遠離見外諸法有無得三解
脫門得已以如實印善印諸法自身內證智
慧觀察離有無見復次大慧菩薩不應建立

諸法不生何以故以建立法同諸法有若不
尔者同諸法無復次大慧建立諸法有故說
一切法於建立法中同何以故以彼建立不
同一切法不生是故建立說一切法是言自
破何以故以建立中無彼建立若不尔者彼
建立亦不生以同諸法無差別相故是故建
立諸法不生名為自破以彼建立三法五法
和合有故離於建立有無不生大慧彼建立
入諸法中不見有無法故大慧若彼建立諸
法不生而作是言一切不生大慧如是說者
建立則破何以故離於建立有無相不可得
故大慧是故不應建立諸法不生大慧以彼

建立同彼一切不生法體是故不應建立諸
法不生以有多過故大慧復有不應建立諸
法不生何以故以三法五法彼彼因不同故
大慧復有不應建立諸法不生何以故以彼
三法五法作有爲無常故是故不應建立一
切諸法不生大慧如是不應建立一切法空

一切諸法無實體相大慧而諸菩薩爲衆生
說一切諸法如幻如夢以見不見相故以諸
法相迷惑見智故是故應說如幻如夢除遮
一切愚癡凡夫離驚怖處大慧以諸凡夫墮
在有無邪見中故以凡夫聞如幻如夢生驚
怖故諸凡夫聞生驚怖已遠離大乘今時世

尊重說偈言

無自體無識

邪見如死屍

諸法畢不生

莫建如是法

譬如目有翳

凡夫虛妄見

執假名為實

心意所受用

無水取水相

聖人則不然

遠離於生滅

無阿黎耶識

一切法不生

因緣不能成

因不同不成

虛妄見毛輪

三有唯假名

凡夫起分別

佛子能遠離

諸獸癡妄心

聖人見清淨

得無障寂靜

愚癡妄分別

餘見說不成

一切法不生

是故建立壞

分別於有無

無有實法體

相事及假名

住寂境界行

凡夫見法尔

三脫三昧生

修行無所有

亦復不見無 有無法平等 是故生聖果
有無法云何 云何成平等 以心不能見
內外法無常 若能滅彼法 見心成平等
今時聖者大慧菩薩白佛言世尊如世尊說
智慧觀察不能見前境界諸法今時善知唯
是內心心意識如實覺知無法可取亦無
能取是故智亦不能分別而取出尊若言智
慧不能取者爲見諸法自相同相異異法相
種種異法體不同故智不能知爲見諸法種
種體相不可異故智不能知爲是山巖石壁
墻幕樹林草木地水火風之所障故智不能
知爲是極遠極近處故智不能知爲是老小

爲是言冥諸根不具智不能知世尊若一切
法異異法相異異法體自相同相種種不同
故智不能知者世尊若尔彼智非智何以故
不能知前實境界故世尊若一切法種種體
相自相同相不見異故智不能知者若尔彼
智不得言智何以故實有境界不能知故世
尊有前境界如實能見名之爲智若爲山巖
石壁墻幕樹林草木地水火風極遠極近老
小盲冥諸根不具不能知見者彼智無智有
實境界而不知故佛告大慧如汝所說言無
智者是義不然何以故有實智故大慧我不
依汝如是之說境界是無唯自心見我說不

覺唯是自心見諸外物以爲有無是故智慧
不見境界智不見者不行於心是故我説入
三解脫門智亦不見而諸凡夫無始世來虛
妄分別依戲論熏習熏彼心故如是分別見
外境界形相有無爲離如是虛妄心故説一
切法唯自心見執著我我所故不能覺知但
是自心虛妄分別是智是境界分別是智是
境界故觀察外法不見有無墮於斷見亦時
世尊重説偈言

有諸境界事

智慧不能見

彼無知非智

虛妄見者説

言諸法無量

是智不能知

障礙及遠近

是妄智非智

老小諸根眞

不能生智慧。而實有境界。彼智非實智。
復次大慧。愚癡凡夫。依無始身。戲論煩惱。分
別煩惱。幻化之身。建立自法。執著自心。見外
境界。執著名字章句。言說而不能知。建立正
法。不修正行。離四種句。清淨之法。大慧菩薩
言。如是如是。如是世尊。如世尊說。世尊為我
說。所說法。建立法相。我及一切諸菩薩。等於
未來世。善知建立說法之相。不迷外道邪見。
聲聞辟支佛。不正見法。佛告大慧。菩薩言善
哉。善哉。善哉。大慧。諦聽。諦聽。我為汝說。大慧。
言善哉。世尊。唯然。受教。佛告大慧。有二種過
去未來。現在如來。應正遍知。所說法。何等為

二一者建立說法相二者建立如實法相大
慧何者建立說法相謂種種功德修多羅優
波提舍隨衆生信心而爲說法大慧是名建
立說法相大慧何者建立如實法相謂依何
等法而修正行遠離自心虛妄分別諸法相
故不墮一異俱不俱朋黨衆中離心意意識
內證聖智所行境界離諸因緣相應見相離
一切外道邪見離諸一切聲聞辟支佛見離
於有無二朋黨見大慧是名建立如實法相
大慧汝及諸菩薩摩訶薩應當修學今時世
尊重說偈言

我建立二種

說法如實法

依名字說法

為實修行者

入楞伽經卷第五

跋

頰骨

下上

食倫反

反

鑿

釧

尺上

憲反

還

下

壘

反

古

典

經

反

思

羨

